

# CARDINALITIA

QVÆSTIO MEDICA

MATVTINIS AGITANDA DISPUTATIONIBVS. IN SCHOLIS  
MEDICORVM, DIE IOVIS IIII. MARTII, M. IOANNE HAVTIN, DOCTORE  
ET MEDICO REGIO, MODERATORE.

416

*An melancholia imaginatricis affectus?*



**P**HANTASIA princeps facultas, in anteriore cerebri parte locata, humido gaudet temperamento. Omnium communis animantium, sensum perpetuò comitatur ab eoque pendet omnino. Erroris prorsus non expers, falsa pro veris interdum amplectitur. Rerum absentium percepta simulachra aliquandiu conseruat, species inter se componit & diuidit, quæ nūquam sunt nec esse possunt sibi pro arbitrio effingit. Ad eam pertinent insomnia, medico tum ad *diagnosis* tum ad *therapiam* non inutilia. Bruta, ut homines ratio, regit ac impellit. Hac qui pollent solertes ac ingenui sunt & ad multa excogitanda prompti.



**M**VIVS actio in comate minuitur, quod ex ficticis imbecillitate magnam in somnum propensionem inducit. idque dupliciter: aut enim profundo & diurno sopore, clausis ferè semper oculis, cum stertore & anhclitus difficultate æger corripitur existitque *hypnagogus*, aut somno variè interrupto per vices dormit & vigilat, palpebras modò attollit modò deprimat & *hypnos* dicitur. hoc pituitosus & biliosus humor, illam pituito us tantum committit. Aboletur in caro & catalepsi, *adip* inexpugnabilis dormiendi necessitas sequitur, quæ febre vacua senum motumque adimit integra & incolumi respiratione. hunc crudi frigidi & humidi succi inuehunt. *Katamnisis* ab humore frigido & sicco, qualis est melancholicus, ortum habet: quo affectu ita obrigescit æger, ut quocunque statu prehensus sit, eodem permaneat.



**M**VNCTIONES imaginatricis deprauant vertigo, melancholia & lycanthropia. In vertigine omnia circumagi videntur & in gyrum verti, unde *labyrinthus* & *strepitus*, tenebræ oculis offunduntur, unde *nocturnus* & *diurnus*, ut sæpe laborans corruat nisi propinquis nitatur adminiculis. Aures tinniunt, auditus grauis, gustus etiam atque olfactus vitiatur, ventriculis cerebri anterioribus obstructis aliena materia, quæ à vaporibus impulla in orbem rotatur secumque piritus mouet & agit. A pituita gigni, grauitas, inappetentia, memoria & sensuum hebetudo indicant. A bile, capitis dolor, sitis, oris amaror. A melancholia, timor, *morbiditas*, insomnia funesta. A sanguine, lassitudo, somnolentia, rubor vultus & eorum quæ ante oculos obuerlantur. vertigo caret periculo. *ta* sedentes raro corpiuntur.



**M**ELANCHOLIA, quæ delirium asfert sine febre, cum metu, tristi & profunda cogitatione, frigida & sicca est cerebri intemperies cum vapore aut humore plerunque coniuncta. Aetate ingrauescente frequentius inuadit, viros sæpius affligit quàm mulieres, quæ grauius tamen ac vehementius hoc morbo cruciantur. Acutis affectibus & diurnis non raro succedit. Causam habet internam, melancholiam naturalem, quæ sæx est sanguinis eiusque portio impurius. extemas, aërem crassum & palustrem, autumnum, otium, exercitia immoderata, studia, curas, sollicitudines, amorem. signa, timorem continuum & *morbiditas*, quæ ater humoris melancholici color parit, vultum & capillos nigros, oculos cauos & profundos, aspectum in vna aliqua re penitus delictum. Lycanthropia fit cum melancholici malo inualecente multa animo fingunt absurda, hominum consuetudinem conspectumque fugiunt, solitudines quærunt, mortuorum speluncas errantes sectantur eoque se recondunt ac sæpe luporum ritu vltant.



**M**ELANCHOLIA ex se minimè lethalis, si aliis morbis annectatur periculossissima. Eà liberantur quibus hæmorrhoides aut varices aut tormenta superuenierint. Ad eius curationem moderata corporis exercitatio, longior somnus, balneum aquæ dulcis non parum conferunt. vescantur melancholici cibis succi optimi & coctu facilibus. vinum album eligant & *hypnagogus*. aluum teneram habeant. crebrò purgentur, nec paulò vehementiora cathartica humoris accommodata reformident, quibus phlegmagoga sæper adiungantur. illis amplo vulnere vena secetur, multum sanguinis detrahatur. Melancholici quauis lingua titubent & balbutiant, animo tamen præclara cogitant. nam tutura non raro præentiunt, ex insomnia arca multa comperiunt, aliæque opera edunt admiranda, quæ vulgaris naturæ vires superare credit, cum illorum causa celeribus & inordinatis deprauatæ imaginatricis motibus trouenda sit.

*Ergo melancholia imaginatricis affectus.*



Asserebat HIERONYMVS GVLONIVS, Græcarum literarum Professor Regius, anno sal. 1610.